

羊村清道夫



香港粵語版

“

但他知道這篇記事並非紀錄最後的勝利，而是作為見證。有些人無法成為聖人且容不下疫災，儘管個人心碎痛苦，仍極盡所能想成為醫者。

這篇記事見證的正是這些人應該做些什麼，或許以後還得再做些什麼，以便對抗始終全副武裝的恐懼。

卡繆 · 《鼠疫》

”

呢個係羊小清，佢自細已經立志要做清道夫。
點解要做清道夫呢？因為....




首領大灰狼由唔知幾時開始，
就係羊村落嘅圍欄度開咗一個窿。
每日都會有好多隻狼由狼村入去羊村度定居，
同時又有無數隻狼來來回回兩個村落。




狼會係羊村度亂拋垃圾、周圍吐痰，
羊村亦因為噉而越嚟越污糟。
所以，羊小清為咗令羊咩咩有清潔
嘅環境、健康嘅生活，就決定要做清道夫。






大灰狼眼見羊村落咁污糟，都不為所動，
每一日就淨係喺冷氣房度食羊肉大餐。



羊小清每日都辛勤嘅工作，太陽都未起身就要去狼老細度點名，著制服同埋清理垃圾。但因為圍欄上面嗰個窿，每日都有更加多嘅狼嚟到羊村亂拋垃圾，羊小清嘅工作亦越嚟越辛苦。





但係，大灰狼只係顧住點樣喺圍欄度開多幾個窿，冇理過啲清道夫。




直到有一日，
羊小清發現街上面嘅垃圾已經多到堆咗一座山
出嚟。無論佢哋幾勤力清潔，羊村依然臭崩崩。
羊咩咩亦因為嘅，每一日都要戴住口罩返工同
返學。於是，羊小清去同大灰狼講：



可唔可以閃返個圍欄啊，
羊村越嚟越污糟，
我哋都會病㗎！








大灰狼聽到之後，唔單止冇理到羊小清，仲即刻好嬲噏吩咐手下：

以後唔准啲羊再講話嘅垃圾係狼搵嘅！
啲垃圾明明就係其他村嘅動物搵嘅！
污糟係因為嗰班羊唔乖咋！


噃...全個羊村所有餐廳都要
閉門喇！同埋...唔畀多過兩
隻羊係街度行！





街上面越嚟越污糟，
羊村入面嘅口罩亦開始唔夠用，
啲羊仔亦因為嘅要停課留喺屋企。
其他清道夫見到嘅情況都好擔心。

羊村入面越嚟越多狼，
再嘅落去，大家都會病，
點算好？



大灰狼眼見啲清道夫咁擔心，佢心諗：
反正我一直都係冷氣房入面，唔關我事！

我就一向都最支持
清道夫嘅！



羊小清同其他清道夫唯有繼續努力嘅
日掃夜掃。不過清道夫掃走幾多垃圾，
啲狼轉頭就掙返幾多落地下，
羊村好快連垃圾袋都就嚟用晒。
清道夫明白，一定要閃返個圍欄，
羊村落先可以變返乾淨，
但係大灰狼又勸極都唔聽。






就係呢個時候，其他羊咩咩嚟到廣場，有羊咩咩建議：


不如你哋罷工，唔好再清潔街道！
畀大灰狼明白我哋點解咁擔心！
我哋其他羊咩咩都支持你哋罷工！





但係，羊小清同其他清道夫都好驚，
佢哋好擔心如果佢哋唔清潔街道，
只會令更多更多嘅羊咩咩病。
可惜，佢哋諗咗好耐，
都諗唔到方法去說服頑固嘅大灰狼。

好啦！為咗守護羊村，
我哋咩辦法都要試！



就係嘅，
清道夫嘅罷工正式開始！



反抗

救羊

罷工 救羊

門圍欄

罷工、
門圍欄

救羊

門圍欄

反抗




救羊、 反抗

嚟緊嗰一個星期，
清道夫每日都去到大灰狼嘅冷氣房外面，
希望畀到壓力佢，令佢閃返個圍欄。

啲清道夫好似平時返工噏，
連太陽都未起身就開始勸大灰狼，
勸到夜晚返屋企瞓覺，第日朝早又再出返嚟。
每日都不斷噏噏：

閃返個圍欄！罷工救羊！
閃返個圍欄！罷工救羊！





但係，狡猾嘅大灰狼繼續食住羊肉，
笑住噉講：

班清道夫鍾意罷工咪罷工囉！我炒晒佢哋，
等佢哋冇得再做清道夫！反正出面幾污糟
都好，我都有冷氣歎，有羊肉食！

過咗一個星期，羊小清見到街上面越嚟越污糟，
越嚟越多羊咩咩開始病，佢覺得好焦急好心痛。



羊小清於是叫埋其他清道夫一齊傾。
最後，佢哋決定返返去街上面，著返制服，
清潔街道。佢哋明白就算幾勤力都好，
街上面依然都會臭崩崩，羊咩咩都會病，
但佢哋決定清得幾多得幾多。
而其他羊咩咩都一樣會努力保持街道清潔，
唔會學狼噉亂拋垃圾。



而大灰狼呢，
就從來都唔會著緊羊咩咩健唔健康，
堅持話清道夫自私，話佢哋係偷懶所以先罷工，
仲要懲罰所有罷過工嘅羊。

但無論點都好，啲清道夫都決心要繼續好好
守護大家嘅健康，守護羊村落。





清道夫盡咗佢哋最大嘅努力守護羊村，
如果係你，又會點樣同清道夫一齊並肩作戰，
守護我哋嘅屋企？





羊村清道夫 / 醫護罷工

1

對應P. 2

1997年以嚟，中方手握移民審批權，大力推動「自由行」，又增設多個中港陸路口岸，謀求嘅文化同理人口上同化香港。



2


對應P. 7

時間嚟到2020年頭，面對一觸即發嘅武漢肺炎疫情，市民大眾仲記得2003年「沙士」疫情嘅教訓，民間同理前線醫護都紛紛要求政府對中國「全面封關」。




③ 對應P. 8

可惜港府不但漠視民間要求封關嘅訴求，仲以疫情為理由，進一步限制民眾嘅集會自由。港府頒布「限聚令」禁止多過兩個人嘅集結，從而禁止所有公民社會嘅集會遊行。



④ 對應P. 10

特首林鄭月娥多次指責前線醫護「政治化」抗疫工作，又強調醫護用極端手段威逼政府唔會得逞。事過境遷，她竟然係記者會話「我最愛護、最保護嘅係醫管局，包括所有員工」。



5 對應P. 11

眼見本地疫情迫在眉睫，香港前線醫護組成工會醞釀罷工。民意調查入面，近八成受訪者支持對中國全面封關，更有多過六成受訪者支持醫護用罷工嚟促成封關。




6 對應P. 15

2020年2月3日至7日，7000名公立醫院員工參與罷工，主張「封關救港」。日內，港府調整口岸政策，關閉多個中港口岸，不過就始終堅持全面封關「不切實際」。

7 對應P. 19

係罷工行動嘅最後一日，前線醫護集結係醫管局總部。高層原本應承話，會以對話嚟換取員工撤出總部大樓，但直至最後佢哋都有出現。同日，工會經過內部投票之後決定終止罷工。



8 對應P. 21

自罷工行動以嚟，港府同理由佢委任嘅醫管局高層多次強調醫護罷工唔會得逞。親政府組織亦不斷聲言要追究罷工醫護、引入中國醫護。對醫護嚟講，政府口中嘅「同心抗疫」只屬一廂情願，畢竟效忠對象差天共地，何以同心？

我哋需要你嘅支持
將羊村繪本印成實體
讓香港故事傳得更遠

The Sheep Villagers needs your support.
We are working on a printed version to
share the stories with more people.

點擊前往 Click to Contribute

 patreon.com/sheepvillage



大灰狼係羊村嘅圍欄度開咗一個窿，
自此每日都有好多隻狼由狼村入去羊村。
狼成日亂拋垃圾，搞到羊村越嚟越污糟，
仲危害到羊咩咩嘅健康。
羊小清同其他清道夫唯有透過罷工，
期望令大灰狼改變心意，閃返個圍欄，
佢哋會唔會成功呢？

親子共讀：4-7歲
自行閱讀：7歲以上

